

Projekat " Razvoj kapaciteta u ministarstvima finansija na nivou BiH i na entitetskom nivou za efikasno upravljanje javnim investicijama "

Vrijednost projekta: 6.300.000 švedskih kruna (SEK) ili oko 600.000 eura.

Trajanje projekta: dvije godine.

Finansijer projekta: Švedska međunarodna agencija za razvojnu saradnju (Sida).

Projekt implementira: Triple Line Consulting Ltd iz Londona, Ujedinjeno Kraljevstvo

Tim lider/ Međunarodni konsultant: Mladen Milanović

kontakt: mmilanovic@online.nl

Lokalni eksper za implememtaciju projekta u Federalnom ministarstvu finansija: Tatjana Muhić

kontakt: Tatjana.Muhic@fmf.gov.ba

Lokalni ekspert za implememtaciju projekta u Ministarstvu finansija Republike Srpske: Aleksandra Radić

kontakt: aleksandraradic72@gmail.com

UKRATKO O PROJEKTU

Projekat ima za cilj da poveća kapacitet Ministarstva finansija i trezora, Federalnog ministarstva finansija i Ministarstva finansija Republike Srpske i kao i drugih tijela BiH u upravljanju procesom javnih investicija.

Opšti cilj projekta je da se dizajnira i implementira integrisani sistem planiranja i budžetiranja, da se funkcionalno povežu strategije i proces pripreme Programa javnih investicija. Propisno dizajniran Program javnih investicija će na ovaj način postati ključni instrument za usklađivanje sektorskih prioriteta sa dostupnim razvojnim sredstvima i nacionalnim razvojnim ciljevima, uključujući povezane EU i druge razvojne prioritete.

Specifični ciljevi projekta su:

- Da se dalje unaprijedi kvalitet projektnih prijedloga, podnesenih od institucija, za finansiranje iz budžeta, kredita i donatorskih sredstava uključujući IPA;
- Da se dalje unaprijedi proces pripreme Programa javnih investicija (PJI) i njegovog dijela vezanog za Razvojni investicioni program (DIP), kako bi se omogućio finansijski monitoring punog projektnog ciklusa i podrška finansijskoj implementaciji strategija;
- Da se ojača veza između ključnih procesa vezanih za planiranje optimalne alokacije sredstava za javne investicije, strateško planiranje i budžetiranje na svim nivoima vlasti BiH, te
- Da se razvije i implementira program treninga za sve BiH i entitetske institucije u formulaciji i razvoju projekta u skladu sa strateškim prioritetima na nivou institucija BiH, na entitetskim i kantonalnom nivoima.

Daljim unapređenjem Program javnih investicija/Razvojno investicioni program (PJI-DIP), će postati glavni instrument za implementaciju strateških planskih dokumenata.

Povezivanje izvora javnih finansija sa strateškim planom i prioritetima će omogućiti mnogo bolje srednjoročno budžetsko planiranje i izvještavanje i evaluaciju izvršenja budžeta.

Jedan od ključnih uslova za kvalitetan dizajn srednjoročne budžetske strategije na nivou institucija i na entitetskim nivoima je uspostavljanje harmonizovanog sistema za upravljanje javnih investicija. U takvom sistemu, proces odlučivanja o kratkoročnim i srednjoročnim javnim investicijama bi bio zasnovan na finansijski realnim scenarijima kao i povezan sa socio-ekonomskim razvojnim strategijama i prioritetima, te će značajno poboljšati srednjoročno budžetsko planiranje i održivost.

Puno uvođenje sistema planiranja PJI/DIP neće biti potpuno bez njegovog pozicioniranja u funkciju programiranja i implementacije EU fondova, kreditnih sredstava i budućeg odabira projekata javno-privatnog partnerstva. Potpuno unaprijeđeni proces PJI/DIP će omogućiti:

- Pripremu procjena i kalkulacija razvojnih troškova u skladu sa razvojnim prioritetima;
- Pripremu finansijskih scenarija za finansiranje razvojnih prioriteta iz različitih izvora finansiranja;
- Dizajn finansijskih prijedloga kao input za pripremu budžeta.